

ქ. თბილისი

„სახელმწიფო შესყიდვების შესახებ“ საქართველოს კანონის მე-3 მუხლის 1 პუნქტის „ს“ ქვეპუნქტის მოთხოვნათა შესაბამისად 2018 წლის სახელმწიფო ბიუჯეტის სახსრებით, გამარტივებული შესყიდვის საშუალებით ერთის მხრივ, სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი (შემდგომში შემსყიდველი) წარმოდგენილი მისი დეპარტამენტის უფროსის ირაკლი მუკნიაშვილის სახით და მეორეს მხრივ შპს „თორნიკე“-ს (შემდგომში მიმწოდებელი) წარმოდგენილი მისი დირექტორის სერგო ბლიაძის სახით ვდებთ წინამდებარე ხელშეკრულებას შემდეგზე:

13 დეკემბერი 2018 წელი

1. ხელშეკრულების საგანი

1.1 მიმწოდებელი იღებს ვალდებულებას მიაწოდოს შემსყიდველს 15 (თხუთმეტი) ერთეული პანელური ჭერის სანათის გარე მიყენების ჩარჩო (CPV – 31500000; 31530000) (შემდგომში „საქონელი“) ამ ხელშეკრულების პირობების შესაბამისად.

2. საქონლის ღირებულება

2.1 მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის გათვალისწინებით შეადგენს 165,00 (ას სამოცდახუთი ლარი და 00 (თეთრი) ლარს.

2.2 ფასების ცხრილი

№	დასახელება	განზ	მწარმოებელი ქვეყანა	მარკა მოდელი	რ-ბა	ერთეულის ღირებულება	საერთო ღირებულება
1	პანელურის ჭერის სანათის გარე მიყენების ჩარჩო	ცალი	ჩინეთი	არ გააჩნია	15	11,00	165,00
სულ ჯამი დღგ-ს ჩათვლით:							165,00

3. საქონლის მიღება-ჩაბარება

3.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

3.2 მიღება-ჩაბარების აქტის გაფორმების საფუძველს წარმოადგენს წინამდებარე ხელშეკრულების მე-12 მუხლით განსაზღვრული ინსპექტირების ჯგუფის დასკვნა.

3.3 შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის ადმინისტრაციის მატერიალური ტექნიკური უზრუნველყოფის მეორადი სტრუქტურული ერთეულის ხელმძღვანელი

4. საქონლის მიწოდების ვადები და ადგილი

4.1 საქონლის მიწოდება ხორციელდება ხელშეკრულების გაფორმებიდან 5 (ხუთი) სამუშაო დღის განმავლობაში.

4.2 საქონლის მიწოდება ხორციელდება შემდეგ მისამართზე: ქ. თბილისი, გ. გულუას ქ. №6, მე-6 სართული.

5. მხარეთა უფლება-მოვალეობანი

5.1 მიმწოდებელი ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი.

5.2 შემსყიდველი ვალდებულია აუნაზღაუროს მიმწოდებელს წინამდებარე ხელშეკრულებით ფაქტობრივად მიწოდებული საქონლის ღირებულება, ხელშეკრულების პირობების შესაბამისად.

5.3 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.

5.4 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.

5.5 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

6. გარანტია

6.1 საქონელზე ვრცელდება გარანტია შემდეგი პირობებით: მიღება-ჩაბარების აქტის გაფორმების დღიდან 3 (სამი) თვის ვადით, აღნიშნული პერიოდის განმავლობაში მიმწოდებელი ვალდებულია საკუთარი ხარჯებით დაზიანების აღმოჩენიდან „5“ (ხუთი) სამუშაო დღის ვადაში (განსაკუთრებულ შემთხვევაში გონივრულ ვადაში) უზრუნველყოს დაზიანების აღმოფხვრა ან/და დაზიანებული საქონლის ჩანაცვლება ანალოგიური ან გაუმჯობესებული პარამეტრების მქონე ახალი საქონლით.

7. ანგარიშსწორება

- 7.1 ანგარიშსწორება მიმწოდებელთან განხორციელება საქონლის მიწოდების შემდეგ, მიმწოდებლის მიერ საგადასახადო ანგარიშ-ფაქტურის, მიღება-ჩაბარების აქტისა და სასაქონლო ზედნადების წარდგენიდან 10 (ათი) სამუშაო დღის განმავლობაში.
- 7.2 ანგარიშსწორება განხორციელება უნაღდო ანგარიშსწორების ფორმით ლარში.
- 7.3 ანგარიშსწორებს მიმწოდებელთან განხორციელება ლარებში.
- 7.4 წინასწარი ანგარიშსწორების მექანიზმი არ გამოიყენება

8. ხელშეკრულებაში ცვლილებების შეტანა

- 8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

- 9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა პასუხისმგებლობა

- 10.1 მიმწოდებელი კისრულობს პასუხისმგებლობას გადაუხადოს პირგასამტეხლო თანხა შემსყიდველს ამ ხელშეკრულებით გათვალისწინებული საქონლის მიწოდების ვადების დარღვევის შემთხვევაში, დაგვიანებით მიწოდებული საქონლის ღირებულების 0,02% პროცენტი ყოველი ვადაგადაცილებული დღისათვის.
- 10.2 მხარეები თანხმდებიან, იმ შემთხვევაში, თუ მიმწოდებელი ხელშეკრულებით განსაზღვრულ საქონლის მიწოდების ვადას გადააცილებს 30 (ოცდაათი) კალენდარული დღით. შემსყიდველი უფლებამოსილია ვადაგადაცილებულ დღეებზე დაკისრებული პირგასამტეხლოსთან ერთად დააკისროს მიმწოდებელს ხელშეკრულების მთლიანი ღირებულების 10(ათი) პროცენტის ოდენობით და გაწყვიტოს ხელშეკრულება.
- 10.3 პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

11. ხელშეკრულების შეწყვეტა მისი პირობების შეუსრულებლობის გამო

- 11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- 11.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
- 11.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.3.2 მიმწოდებლის გაკოტრების შემთხვევაში;
- 11.3.3 საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების შესრულების ინსპექტირება

- 12.1 შემსყიდველს უფლება აქვს მიმწოდებლის მიერ საქონლის მიწოდებისას, განხორციელოს კონტროლი და/ან გამოცადოს საქონელი. ინსპექტირებას ახორციელებს შემსყიდველის უფლებამოსილი წარმომადგენლები: დეპარტამენტის ადმინისტრაციის მატერიალურ ტექნიკური უზრუნველყოფის განყოფილების პირველი კატეგორიის უფროსი სპეციალისტი და ადმინისტრაციის შესყიდვების განყოფილების პირველი კატეგორიის უფროსი სპეციალისტი. (შემდგომში „ინსპექტირების ჯგუფი“).

12.2 ინსპექტირების ჯგუფის ფუნქციები:

12.2.1 გაუწიოს ინსპექტირება მომსახურების მოწოდების ვადების ხელშეკრულების მოთხოვნებთან შესაბამისობის დადგენას.

12.2.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.

12.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

12.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ფორს-მაჟორი

13.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

13.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარდნენ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

14.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2019 წლის 28 თებერვლის ჩათვლით.

15.2 ხელშეკრულების მე-6 მუხლის 6.1 პუნქტი ძალაშია ხელმოწერის დღიდან და მოქმედებს საქონლის მთლიანი საგარანტიო პერიოდის განმავლობაში.

15.3 ხელშეკრულება შედგენილია ქართულ ენაზე, თანაბარი იურიდიული ძალის მქონე სამ ეგზემპლარად, რომლებიც ინახება ხელშეკრულების მონაწილე მხარეებთან (ორი -შემსყიდველთან, ერთი -მიმწოდებელთან).

16. მხარეთა რეკვიზიტები:

შემსყიდველი:

„სახელმწიფო საქვეუწყებო დაწესებულება
გარემოსდაცვითი ზედამხედველობის დეპარტამენტი“
მის: ქ. თბილისი, გ. გულუას ქ. #6
საიდენტიფიკაციო კოდი: 206351758.
საბანკო რეკვიზიტები:
ცენტრალური ხაზინა,
სახაზინო კოდი 3802

მიმწოდებელი:

შპს „თორნიკე“
მის: ქ. თბილისი, გურამიშვილის გამზირი №84;
საიდენტიფიკაციო კოდი: 202234509;
ტელ: 2 65 55 01
საბანკო რეკვიზიტები: სს „საქართველოს ბანკი“;
ბანკის კოდი: BAGAGE22;
ა/ა GE88BG0000000893696601;

ირაკლი მუციაშვილი
დეპარტამენტის უფროსი

სერგო ზღიაძე
დირექტორი